



10506

空同詩鈔卷七

明北郡李夢陽撰

錢唐桑調元編



七言古

桂巖行

白龍不識漁溪惡化爲魚服遭人縛黃髮先生困泥阻  
白馬小兒氣揮霍道傍朽木藏蛟龍霹靂猶聞夜火紅  
寄謝少年諸數公貧賤豈必皆愚蒙桂巖紫芝春盡發

騎驢且覓商山翁

宗子相曰空同豪邁之才至七言歌  
行始見其縱橫排宕能盡能詳如大

將升壇五花八陣歸我節制任  
意指揮歎服猶龍故非溢美

丹穴行哀邱翁

邱名琥號松山  
夷門隱人也

空同詩鈔卷七

一

北風颭颭吹丹穴幽篁梧樹寒蕭屑孤鳳威垂眼流血  
蘭陽邱公昨謝世使我杯乾已數月出門騎馬向誰適  
世事悠悠忍能說薄俗踰趨始爲敬老夫平生性懶拙  
後生譏訕轉多口白璧青蠅從點缺宋門汪隆頗好事  
見我握手肝肺熱近亦客死臨清州北望傷心路途絕  
可憐親友日零散老成耆舊灰燼滅不爭汝曹灰燼滅  
又值天寒地欲裂

古白楊行

百泉東岸三古楊下枝掃拂書院牆上枝瑟瑟干穹蒼  
空山野陰雷雨黑柯榦冥冥動山壁剪伐難爲棟梁用

盤踞翻逃斧斤厄但見白日悲風發寧知六月撐霜雪  
烟色慘愴精靈聚孤根倔強源泉裂憶昨訪古憩其下  
屠人不敢留車馬落籜尙禁牛羊食汙穢頗遭縣官打  
丞相古柏霹靂碎將軍大樹空蕭灑岡頭石路莎草長  
孫邵李許同一堂春風漂泊予到此不見古人惟古楊  
古楊蕭蕭暮流急波翻浪倒蛟龍泣衛女幽憂拾錦花  
逋臣寂寞愁難立君不見太行羊腸莫比數上有毒蛇  
下猛虎樵斤獵火不虛日桂柏椅桐氣悽苦嗚呼楊兮  
楊兮爾何盤根據茲土

泉上雜歌

空同詩鈔卷七

二

游子樂游復長歎臨深坐歌白石爛石泉漠漠常東流  
我今胡爲坐泉頭渚花冥冥野陰薄谿日杲杲蒼雲愁  
君不見古來爭戰地山寒雪暮風颼颼

自從行

自從天傾西北頭天下之水皆東流若言世事無顛倒  
竊鈎者誅竊國侯君不見姦雄惡少椎肥牛董生著書  
翻見收鴻鵠不如黃雀啁盜跖之徒笑孔叢我今何言  
君且休

思歸引

疾風吹寒破南極凍雨澌澌山樹黑天昏歲暮百憂併

中夜悲歌淚沾臆起視衆星白爛爛我今胡爲在長安  
思歸路阻多苦寒嗷嗷何處失羣雁翅濕高飛嗟汝難  
歸來行

天下儒冠豈盡誤迂謬棄捐仍道路九月江山凍烟霧  
百年裘馬衝霜露窮達自知休怨天歸來且種東陵田  
齒過四九已不小釣魚獵兔亦得飽

卯治甲子屆我初度追念往事死生骨肉愴然動  
懷擬杜七歌用抒憤抱云耳

吁嗟我生三十三我今十年父不見濁涇日寒關塞黑  
杳杳松楸隔秦甸梁王賓客昔全盛我父優游誰不羨  
當時攜我登朱門舞嚮歌騰爭看面二十年前一回首  
往事凋零淚如霰嗚呼一歌兮歌一發北風爲我號冬  
月

母之生我日初赫缺突無烟榻無席是時家難金鐵鳴  
倉皇抱子走且匿艾當灼臍無處乞鄰里相弔失顏色  
男兒有親生不封萬鍾於我乎何益高天蒼蒼白日凍  
今辰何辰夕何夕嗚呼二歌兮歌思長吾親儼在孤兒

傍

張浦山曰自有真氣  
鬱盤非等邯鄲學步

有弟有弟青雲姿以兄爲友兼爲師十五徧探古人籍  
十九不作今人詩從兄翱翔潞河側寧料爲殤返鄉域

孤墳寂寞崔橋西渺渺游魂泣寒食嗚呼三歌兮歌轉  
烈汝雖抱女祀終絕

有姊有姊天一方風蓬搖轉思故鄉歲收林秉不盈百  
男號女啼常在旁黃鳥飛來啄屋角碩鼠唧唧宵近牀  
洪河鬪蛟波浪怒我欲濟之難爲梁嗚呼四歌兮歌四  
闕我本與爾同肉血

古城十家九家空有姊有姊城之中峭壑直下五千尺  
雞鳴汲回山日紅犁耨縱健把豈得病姑垂白雙耳聾  
小孤癡蠢大孤情霜閨夜夜悲迴風嗚呼五歌兮歌五  
轉寒崖吹律何時變

宗子相曰峭壑  
悲風言言欲絕

空同詩鈔卷七

四

冰河蜿蜒雪爲岸忽得鯉魚長尺半剖之中有元方書  
許我是月來相看臘寒歲窮多烈風日暮高樓眼空斷  
梁都北來道如砥熟馬輻輪爲誰絆嗚呼六歌兮歌未  
極原鴿爲我無顏色

丈夫生不得志居人下低頭覩面何爲者薄祿不救諸  
親饑壯志羞稱萬間厦東華輓塵十丈紅入擁簿書出  
鞍馬王門好筭不好瑟何如歸樵孟諸野嗚呼七歌兮  
歌思停極目南山空翠屏

飛蟻歎

李子官江西時覩事感心作飛蟻歎暨西來行也

今朝天光鳥鳴喚草萋柳長江渙渙怪爾飛蟻何爛熳  
填門撲牖坐我案夜來不虞風驟至屋瓦吹飛船打岸  
孤城晦冥霏霏雨前叫鵓鷓後鵓鷓共言此祟飛蟻爲  
我欲擊之還復歎明明上天非無宰蟻也瑣細何須算  
災祥感召固其理先時苟備終無患君不聞漢家滿堂  
客不貴徒薪貴焦爛

西來行

冬廿六日十二月西來泛湖雨明滅雨寒著樹盡成雪  
天波靈靈路幽絕鵓鷓禿鷺立如人銜魚避船偷眼噉  
天開獵夫會尋汝乘時早可收其身

盧玉巖曰森城  
之語有禪世道

空同詩鈔卷七

五

土兵行

豫章城樓飢啄烏黃狐跳跟追赤狐北風北來江怒湧  
土兵攫人人叫呼城外之民徙城內塵埃不見章江途  
花裙蠻奴逐婦女白奪釵環換酒沽父老向前語蠻奴  
慎勿橫行王法誅華林姚源諸賊徒金帛子女山不如  
汝能破之惟汝欲犒賞有酒牛羊猪大者陞官佩綬趨  
蠻奴怒言萬里入爾都爾生我生屠我屠勁弓毒矢莫  
敢何意氣似欲無澎湖澎湖翩翩飄白旗輕舸蔽水陸  
走車黃雲捲地春草死烈火誰分瓦與珠寒崖日月豈  
盡照大邦鬼魅難久居天下有道四夷守此輩可使亦

可虞何況土官妻妾俱美酒大肉吹笙竽

楊用修曰只以謠諺近語

入詩史而高古不可及孫豹人曰贛州賊作亂都御史陳金奏調廣西狼兵征之土兵行所由作也此詩當與杜陵北

征詩並傳

### 豆莖行

昨當大風吹雪過湖船無數冰打破冰驪崑崙山嶽立  
行人駭觀淚交墮景泰年間一丈雪父老見之無此禍  
鄱陽十日路斷截廬山百姓啼寒餓旌竿凍折鞀鼓啞  
浙軍楚軍袖手坐將軍部兵蔽江下飛報沿江催豆莖  
邑官號呼手足皴馬騾雞犬遺眠卧前時邊達三千軍  
伍個病熱死兩個彎弓值凍不敢發昔何猛毅今何懦

### 空同詩鈔卷七

六

李郭鄴城圍不下裴度淮西手可唾從來強弱不限域  
任人豈論小與大當衢寡婦攜兒哭秋禾枯槁春難播  
縱健徵科何自出大兒牽羶陸挽馱

楊用修曰以險韻括俚語與土兵行

同調

### 餘干行

荒濱鷗立夕啼鵠春行綠岸竹木枯黃蒿破屋走白狐  
東至信州西鄱湖男兒輸粟婦刈芻問誰爲此軍前須  
去年冰雪十丈餘凋瘵至今猶未蘇姚源帶甲已數萬  
巖淤莫展金僕姑近聞殺官兵復北道路喧傳真有無  
安能飛刀取賊顛貂裘白馬還京都

文魚行

漢江七月黃水漲男婦文魚立江上  
岸斜波緊煦泡轉千人目側精相向  
巧者十义五义中血飛銀尺翻金浪  
編魚中文獨更穩頓之泥沙半倔強  
我舟其時行邁此仰視皇天色惆悵  
深山藥苗熟流汝一毒江河萬形喪  
鱗鯨糜爛不直錢小瑣暴棄同蚶蠍  
走鯢吞泖若山滾蹴踏猶能開浩蕩  
渡子徒誇好身手如飛快槳誰曾傍  
夜風大聲吼盤渦地坼瀕洞逐龍鼉  
如甕之蛟手可得蛇龍豈復安巢窩  
消息定理魚奈何

周西穆曰縱力頓宕老氣橫秋

襄陽歌三首

空同詩鈔卷七

七

烈風夜行峴山道天陰城空鬼鳴嘯  
蒹葭委折波濤白通濟橋頭老鷓鴣  
叫人言黃昏虎搏牛牛虎兩傷歸各憂  
萬事豈爾能前謀不如置之寬且休  
君不見百足之蟲光如虹雷火燒死枯樹中

峴石巉嶮孤根深下盤厚土雲氣陰  
中有千萬竅突如風來遇之如笙琴  
昨當醉狂推撼此天地忽然爲之動  
山鳴鬼哭百獸吟我時便欲驅使六丁移  
之去家遙屋窳無頓處於乎一石且無頓處  
徘徊歸來日沈樹

襄陽山勢何所似東如翥鳳西虎蹲  
墓堆壘壘不空地於中豈少英雄魂  
大隄先前花艷時朱樓細柳黃金羈



但看舊園歌舞處掘發金釵知是誰君今有酒不飲恨  
不駟馬軒車馳縱及金張許史將焉爲身後埋沒蒿草  
疇見知調元曰倔奇磊  
柯墨氣如虹

苦雨篇

波濤日陷蛙鳴起梁園一夜滿城水屋廬半塌塌人死  
可憐哭聲水聲裏憶昨出飲黃昏歸零濛已灑力尙微  
豈知中宵鬼神怒雷翻電滾雨如注我時怵惕不得眠  
牕燈撲殺無計燃洶湧一任霹靂走恍惚若有蛟龍纏  
地軸震側久益急披衣起坐坐復立雞鳴氣勢稍稍緩  
積漸天明日光入琴沾書濕開我堂二儀高下雲低昂

空同詩鈔卷七

八

黃鸝曬翅燕語梁前何恐懼今何康萬事夷險誰豫量  
及時弗樂頭顱蒼宗子相曰雨風  
晦冥精魂搖蕩

苦雨後篇

小兒嚙啞始學語育之後屋逢今雨包裹移置夜我旁  
兒驚屢抖安之乳霆雷號號屋瓦震疾電繞牀亂走鼠  
大兒明農隔城住卽有緩急誰視汝旦日報至心則降  
雨未傷人傷稷黍前時三月點雨無大兒憂色禾半枯  
日日望雨雨反荼盪然猷猷爲江湖天晴微風波水動  
溝渠四注長河湧明晦反覆何代無囑兒更備宜秋種

久雨東黃子

微晴見月月仰瓦城中水淹雨猶下郊園浹旬不一出  
不畏衝泥畏沒馬苔蘚自上匡氏壁蓬蒿日深仲蔚舍  
人言甲子船入市幸君豫問能舟者初兩夏甲子也  
種竹  
自從有竹水爛死使我竟日顏不歡頃來移置復傍此  
遽覺六月回秋寒龍姿鳳苞生不易可憐蕪沒今人棄  
窈窕郊園草樹中何人道有凌雲器

贈何舍人齋詔南紀諸鎮

先皇乘龍去不返悲風慘淡吹宸極四海哭若喪慈母  
百官狂走天爲黑憶昨臨危坐御牀手挈神器歸今皇  
空同詩鈔卷七 九

密語丁寧肺腑裂三老親聞眼流血金縢立剖石室秘  
此事難從外人說我君謙讓不可得割哀踐阼宏祖烈  
日月重懸萬國朝雷雨赦過羣方悅越南海北霹靂動  
蠻夷盡奉王正月此時九道使臣出舍人亦輟螭頭筆  
白馬朝騰薊北雲錦帆暮閃江沱日江沱秋交多烈風  
洞庭雲夢俱眼空巴陵縣令舍人兄接詔會弟西樓中  
童年題詩在高壁六載不到紗爲籠南嶽以南惟峻山  
苦蒸毒霧何盤盤天王新令雷電掣妖蛇不敢啼林端  
五溪官長喘喙拜黔州父老垂淚看却瞻蒼梧雲氣黑  
斑竹臨江怨幽色翠華縹緲空冥間此時此恨誰知得

君不見馬援柱孔明碑剝落黃蒿裏千年莓苔待君洗  
萬里之行自此始歸來何以獻天子

邵開宣曰一氣轉接噴薄不休宜宗

方城稱爲情盡意多也

上元訪杜鍊師

宣皇昔時乘八風御龍遊戲行烟空馬前兩兩侍玉女  
別館多在蓬萊宮朝天宮中舊時殿樓臺盡鎖無人見  
琉璃井塌青苔滿松柏森森月如練嗚呼往事難具陳  
燈火如山又一春北斗壇西訪隱淪我師黃衫白氎巾  
坐我更致西樓賓玉杯潑灑赤瑤瓊織罽四角銀麒麟  
酒肉山堆滿堂醉仙厨往往來八珍孝宗之朝五真人

空同詩鈔卷七

十

師也磊落當其倫自言召見親賜食曾把丹書獻紫宸  
如今寂寞看春色銀魚玉帶無消息豈惟魚帶無消息  
欲語吞聲淚沾臆勸師對此莫酸辛世間萬事如轉輪  
且將芝草供生計聊與烟霞作主人月偏彩雲當牖生  
旋呼兩童吹玉笙聞師妙得逡巡術百壺倒盡還須傾  
古來仙子誰復在飲者翻垂千載名名垂千載亦區區  
酒闌燈昏夜復徂不見秦陵草已宿春生樹啼雙老烏  
此時亦應羣帝趨金燈翠旗光有無

楊用修曰嗚呼往事接得妙汪津夫

曰情特深語作達跳脫擺宕轉變入神

奉送大司馬劉公歸東山草堂歌

東山有草堂縹緲雲嶠孤前對祝融峰下瞰巴陵湖明  
公昔時此堂居麋鹿熊豕當牕趨洞庭日落風浪湧倒  
影射堂堂欲動慘淡誰聞紫芝曲獨善不救蒼生哭先  
帝親裁五色詔老臣曾受三朝祿此時邊徼多戰聲曳  
履謁帝登承明謝安笑却淮淝敵魏相坐測單于兵九  
重移榻數召見夾城日高未下殿英謀密語人不知左  
右微聞至尊羨自從龍去不可攀公亦卧病思東山湘  
娥含笑倚竹立山鬼窈窕堂之側上書苦死只欲歸聖  
旨優容意悽惻內府盤螭縷金織賜出傾朝皆動色白  
金之錠紅票記寶鈔生硬雅翎黑崇文城門水雲白是

空同詩鈔卷七

七

日觀者塗路塞城中冠蓋盡追送塵埃不見長安陌人  
生富貴豈有極男兒要在能死國不爾抽身早亦得君  
不見漢二疏千載想慕傳畫圖卽如草堂何處無祿食  
覩竊胡爲乎乃知我公眞丈夫嗚呼乃知我公眞丈夫  
調元曰湘娥山鬼二語寫去國情事依約可想騷情  
雅思與老杜麗人行楊花雪落數語同一蘊含之妙  
二月四日部署宴餞顧徐二子

春日載陽官署幽東吳二子過我遊庭空日斜吏人散  
窅然何異經林邱今晨驚蟄煖氣達昨夜哀鴻呼故儔  
中庭古槐蒼蘚溽上有百鳥何啁啾倉庚交交刷其羽  
君看巨細各有求明時冠軒幾邂逅得暇胡不攀淹留

自從去年識徐顧令我意氣傾南州徐郎近買洞庭棹  
顧子亦具錢塘舟浮生飄轉若飛蓬倏忽聚散誰能謀  
風光爛熳况復爾願寫青壺銷客憂故人苦稱不好飲  
舉杯入唇還復休妙歌時時激慷慨鄙夫何以答綢繆  
巖柝沈沈靜夜色北斗倒挂城南樓祇恐天明驅馬出  
攬袂延望河之洲

寄兵備高僉事

江

三月無雨乾殺麥六月雨多禾耳黑長江浪高蛟龍鬪  
陶河鷓鴣啼清晝此時憐君備吳越天陰不見日與月  
白衫鹽徒慣風濤我軍慎勿貪倉猝

空同詩鈔卷七

七

吁嗟行示周生

吁嗟周生千萬駒今行不得如蟾蜍雖有寶劍寒吹毛  
一日不遇成鉛刀子不見豐城紫氣干雲霄鹽車之下  
多悲號張華伯樂行相遭

茅渠眉曰一筆收騰力摧拉

送鄭器

梁園仲冬雪積阻慘慘風亂平沙樹泥深馬瘦不得行  
縹緲金陵在何處青絲絡酒提玉瓶強出送子城東亭  
旦望淮河暮江水雲飛鴻雁天冥冥

嗚呼行寄康子以其越貨之警

嗚呼皇天不可測一冬無雪春無雨黃霾翻風白日動

前飛禿鶯後飛鵠堂堂古路長  
蕻藜萬家之城走豺虎  
百姓誅求杼柚空兒號女啼  
守環堵饑寒盡化爲盜賊  
可惜良民作囚虜腰弓帶劍  
百成羣少年馳馬仰射雲  
蒼山日落行旅稀醉唱胡歌  
各自歸山東趙實已授首  
南陽回賊同猪狗諸君但欲  
樹功業玉石俱焚理或有  
近者內邱大寧河橫賊八騎  
持干戈裕州知州與賊戰  
康也扶柩衝之過資糧蕩盡  
僅身免月暗天昏路途遠  
吉人作善翻軼軻痛哭寒城  
白雲返頃聞留滯在襄國  
百口仰給縣官食吾兄匹馬  
走問之半月更復無消息  
夜立中庭北極高晝看河朔  
風沙黑汝寧以南土尤赤

空同詩鈔卷七

三

空城二月生荆棘  
蚪米可以換嬌女  
牛馬餓死枯蒿側  
比來官吏守空印  
拖男抱女盡向北  
卽防此輩更充斥

恐汝後歸歸不得

調元曰返一作晚

空同詩鈔卷八

明北郡李夢陽撰

錢唐桑調元編

七言古

送席副使監貴州屯學二事歌

席名書字文同蜀人

我昔在北京送君向河南豈料在河南送君如百蠻瘴  
雲蒼蒼途路艱牂牁羅施皆峻山法官要自褰帷入倏  
忽開明衆山出大抵夷狄似禽鳥制之雖勤忌拘急此  
曹亦是人心性頃來漸慕衣冠習文翁化蜀豈無本李  
牧屯田務招輯所恨故人限萬里令我蚤夜心於邑吏  
夫已際飛龍會野人猶抱枯魚泣感新懷舊心肺酸萬  
事回首百憂集卯治之間時世異與君次第陳封事許  
身謬比漢賈生推君每稱唐陸贄朝回對坐香鑪省出  
門並結青雲轡自從分手哭遺弓縉紳漂泊余亦同抱  
甕梁王修竹園遺址宋帝蓬萊宮生涯放逐似羈旅混  
迹迂腐隨村翁曾聞伏櫪有老馬豈卽道路傷秋蓬天  
下瘡痍況未息西南貢篚防難通杜鵑向識君臣禮蛟  
龍終收雲雨功相如諭蜀文章壯馬援平交德業雄扶  
危濟弱付公等臨岐悵望南天鴻

汪津夫曰仁義之言講如是不徒以文雄

送鮑激還歛

昔時賢達或未遇途路坎坷常固窮鹽車騏驥亦拋棄

人生豈得無西東君年五十猶未通江湖去住隨飛鴻  
黃山紫陽曰索寞題詩早向軒轅宮

君不見贈馬僉事

應祥

君不見庭中樹今冬憔悴春作花君不見桑上草含陽  
藉土抽紫葩富貴詎有種貧賤豈無涯君今身爲指南  
車何不留之殿京華北游漢水南長沙君雖在漢水與  
長沙高不愁虎卑無蛇

王近顏曰臨了一轉京華情事萬千於邑寫出調亦伉健

秋夜徐編修宅宴別醉歌

徐郎三杯拂劍且莫舞聽我擊節歌今古曲長調悲不  
易竟天地熒熒月東吐燕山八月風力怒落葉交加映

空同詩鈔卷八

二

尊俎愴時感事百憂集死別生離同一苦身逢累朝全  
盛日卯治之間我親覩朝廷無事尙恭默天下書計歸  
臺府五陵鞍馬速雷電千官氣勢如風雨却憶年年秋  
月時日與爾輩同襟期如澠之酒差快意袒跣呼號百  
不思絃張柱促衣冠禍綜覈朋奔學士疲倉皇世事難  
開口物極則還理宜有羸疾已分沙田草遭逢復折都  
門柳富貴在天得有命人生反覆如翻手不見去年臨  
別處吞聲躑躅鸞求友邂逅寒暄不自知隔絕榮華爲  
誰守歌殘酒乾天欲曙門外驪駒已西首哀鳴胡雁亦  
南飛露濕羣星朝北斗



發京別錢邊二子

秋風淅淅吹燕山游子仗劍出燕關車脂馬飽夜將發  
錢邊二子來相攀此時羣星覲上帝驂鸞翳鳳雲之際  
君不見牽牛與織女一水盈盈獨流涕

東園翁歌

東園翁今六十餘面常泥垢髮不梳身藏寶劍人不識  
反閉衡門讀古書此翁十五二十時欬唾落地迸成珠  
陸機不敢以伯仲管輅警敏空嗟吁生鱗卽與蛟龍伍  
未汗寧同凡馬趨爾時射策黃金闕三百人中最英發  
驍驅舉足狹萬里便欲登天攬日月豈知德尊常輒軻

空同詩鈔卷八

三

獨買扁舟泛吳越三十年來萬事變富貴於我真毫髮  
歸來灌園種瓊花荷鋤自理東門瓜夜眠海月掛丹牖  
晝看江風滾白沙遼東合有逢萌宅齊西再覩陶朱家  
北郡李生三十六擯斥高歌卧空谷前輩後輩道豈殊  
同坐同行限江麓東望東園亂心曲安得逐爾騎鴻鵠  
苦熱東屠參議

豫章之熱真毒淫六月已破仍不禁赤雲行空日在地  
萬里一望炎烟深東蒸扶桑榦欲槁黑河水乾龍不吟  
院松亭亭我所愛比遭摧炙無好陰縱令跣足欲何往  
此地寸木如寸金層簷大廈尙喘喙矮屋茅堂淚滿襟

滕王有閣高百尋閣下澄江清映心紫薇使者卧其上  
卷幔恰對西山岑赤脚門子搖大扇行坐吟哦揮素琴  
幾欲往訪簿書積豈我無酒同誰斟亭午蘊隆潭水沸  
蛟蜃下徒竈鼉沈何況走原獸棲枝禽鳴呼豫章之熱  
其苦有如此而我胡爲營營與世爭華簪

朱子齋日中  
間一疎宕便

開闢盡致  
彌覺其適

### 白鹿洞別諸生

東南自有匡廬山遂與天地增藩衛山根插入彭蠡湖  
崢嶸背殺三江勢地因人勝古有語於乎萬物隨興廢  
學館林宮客不棲千巖萬壑堪流涕文采昔賢今尙存

空同詩鈔卷八

四

講堂寂寞對松門松門桂華秋月圓拄杖高尋萬古源  
梅嶺古色照石鏡扶桑丹霞迎我軒絕頂坐歌霜月淨  
石潭洗足芝草繁更有冠者五六人峭崖窮嶂同攀攀  
草行有時聞過虎旦暮時復啼清猿我今胡爲公務牽  
蟋蟀在戶難久延出山車馬走相送落日遂上鄱陽船  
生徒總戀集涯潯孤帆月照仍留連情深過厚亦其禮  
謏薄竊愧勞諸賢明朝伐鼓凌浩蕩五峰雙劍生秋烟

馬默臨曰興盡  
不盡終接混茫

### 董公衙賞緋桃行

吁嗟董公垂老官不遷途雖坎坷志不變三歲提兵兩

列銜此事堪傷亦堪羨二月南風捲章水黃昏西省開  
芳宴刑司軍司皆集衙盆中緋桃俄放花董公捋鬚向  
客誇客起環視咸咨嗟情酣展轉移燈照酒氣撲花花  
欲笑逢人合與世醅酌衰顏苦被春勾調君不見元都  
觀裏樹不與武陵源上殊時來開落各異地董公董公  
今宵與客且倒花前壺

宗子相曰亦豪  
亦麗足盡花情

### 寄鄭生歌

南康烈風無時休將歸船滯增煩憂空城雪埋狐兔走  
十日凍合鼉河洲廬山咫尺不得往汝在梁園獨予想  
開緘歎恨東遊阻琅玕天姥春空長

### 空同詩鈔卷八

五

### 余鄒二子遊白鹿書院歌

洞原路水山徑微二子曰遊過夜歸巖宮古刻徧覽讀  
馬時踰跌泥在衣頃來烈風號季冬雪霾不見五老峰  
苦心二子守寂寞我病講堂虛鼓鐘二子此行真特奇  
異時獨往今可知虎吟狐啼且不懼肯使楊朱泣路岐

調元曰灑氣排衝一切乃  
足伸獨往之志壯遊宇宙

### 戲贈周紀善

廣文先生何爲者十欲出門九借馬只今徒步襄水濱  
衰鬢漠漠常風塵鳳凰在笈雞啄食苜蓿闌干半青黑  
君不見楚筵醴罷暮歸來飢塵妻子無顏色

鄭生山游歸予作此歌

豔予望之六六峰欲往爭奈今嚴冬石林崎嶇積雪盛  
日中無烟虎豺病生也孤往胡所希凍攀幽巖探其微  
手皴面黑逾旬歸太室少室何者奇曾否首陽歌采薇  
北邙逶迤清洛遠天白水崇伊闕晚灞上騎驢爾摩辱  
袁安高卧吾應覩忽然想生經行宋家陵往來寂寞東  
西京翹首淚下嵩山青

丈人行

丈人九十牙齒存行曳竹杖挈元孫只知灌園同漢陰  
何須采藥游鹿門山房春歸碧草萋蕙蕙帳月白露滿蹊  
少微星沈湖水湧松林夜夜猿嘯啼

空同詩鈔卷八

六

寄殷給事中歌

斑鳩賦形百鳥內化爲蒼鷹百鳥避秋空萬里試一擊  
灑毛紛紛稱鷹意迴旋簸揚風沙開海寧光清鸞鳳來  
天地炯炯元精回此以贈君君母猜金陵雖隔黃金臺  
汝翊紫蓋臨三台飛章御覽不十日道路閒靜豺狼哀  
憶昔匹馬長安走殷何徐陸皆吾友楚姬娉婷華色前  
殷生稜眉獨方口何郎短小亦不醜此離今各經年久  
夢寐猶存上苑花飄零寂寞西湖柳丈夫致身貴不朽  
陟要階華亦何有賈誼才名信早知姚崇相位非難取

大江滾滾東北趨羣龍霜蟄鼉叫呼汝登鳳臺念老夫  
爲我致一鳳之雛我不敢玩亦不敢狎誠心餒餉毛羽  
全使聽簫韶翔舜都

芝杵行

崑崙子之來也李子觴焉及夜瓶芝自墮以爲杵行觴  
焉平可樂一觴行之穩持之輕客大駭笑懽盡醉而李  
子賦詩

霜嚴夜清月在南燈明酒溫客氣酣銅瓶玉芝鏗墮地  
客將傳玩誇神異仰芝把蒂行金杯蒼文古紫當筵開  
已驚激灑菌苞動更詫屈錯蛟龍迴憶芝初出盤精氣

空同詩鈔卷八

七

雲流石立颺颺避赤箭琅玕色盡枯神訶鬼守求非易  
泄秘真遭天地怒懷珍顧使時人忌自從獲芝升我堂  
琴書几席俱輝光晴日徐看瑞氣合炎天每挹仙雲涼  
燕山豪士來何方悲歌起舞宵未央芝乎自衛亦大異  
頓令四座深杯觴觴行逶迤月轉白月光芝光巧相射  
醅醕觸擊瑪瑙碎淋漓迸落真珠赤君不見玉屈卮金  
巨羅珠花繡草枉自艷停杯聽我芝杵歌

景亭北日有泄秘懷珍二

語此篇便不可廢

朝飲馬送陳子出塞

朝飲馬夕飲馬水鹹草枯馬不食行人痛哭長城下城

邊白骨借問誰云是今年築城者但道辭家別六親寧  
知九死無還身不惜身爲城下土所恨功成賞別人去  
年賊掠開城縣黑山血迸鴉翎箭萬里黃塵哭震天城  
門晝閉無人戰今年下令修築邊丁夫半死長城前城  
南城北秋早白愁雲日暮鳴胡鞭

宗子相曰功成賞別人邊事壞多坐此語

### 胡馬來再贈陳子

冬十二月胡馬來白草颯颯黃雲開沿邊十城九城閉  
賀蘭之山安在哉傳聞清水不復守遊兵早扼黃河口  
卽看烽火入甘泉已詔將軍屯細柳去年穿塹長城裏  
萬人齊出千人死陸海無毛殺氣蒸五月零冰凍河水  
當時掘此云備胡胡人履之猶坦途聞道南侵更西下  
韋州固原今有無從來貴德不貴險英雄豈可輕爲謨  
尙書號令速雷電抱玉誰敢前號呼遂令宵旰議西討  
茲咎只合歸吾徒我師如貔將如虎九重按劍赫斯怒  
惜哉尙書謝歸早不覩將軍報平虜

### 張將軍塞獵歌

將軍堂堂七尺軀虎頭昂藏紫虬鬚據鞍笑撚金僕姑  
嗷鳴仰墮雙飛鳥南平川漢北截胡蛇矛卧地刀劍蕪  
朔風吹霜塞草落馬騰士奮于狩作將軍夜令晨步同  
積沙黃黃日色薄部下游擊五千人競時爭能各有神

驅飛翼走入吾網千隊萬隊何駢駢氣酣前赴逞一決  
零亂旌旗倏明滅殺氣上回靈武雲火烈直透天山雪  
張公觀此翻逡巡紅衣白馬如神人衣也蟠蟒金麒麟  
朝廷所賜榮功臣攔頭報捷者誰子手提禽獸血滿身  
生截羆豹纍雉鷄中軍小校額抹巾見之一騎風起塵  
左射奔鹿右斃豕更追狡兔趨窮榛張曰於乎奚用是  
昊天肅殺存至仁縱金按節止中野燁脂魚鮮燕蒐者  
禮樂行軍分自嚴賞罰正簿誰能假何地真收吐谷駝  
一卒乃獲大宛馬長城窟水胡雁稀輕輦緩吹諸部歸  
懸戰慘淡鴉鳥委垂鞍礪熊兕肥少年猶忿殺獲微

空同詩鈔卷八

九

翻身殼弩追雲飛我聞蒐狩古侯禮三驅六御今何以  
纘武雖存于貉文戒荒合避長楊侈將軍抹馬厲部士  
爲防西北烽烟起

馬默臨曰疾徐應節  
節制之師不可滅

送田氏

寒城野霜鴻嗷嗷羊腸木零熊豹號彼汾沮洳望心勞  
葭莢委折風波濤山西刑司氣何豪西邁白日行旌旄  
七星九九明佩刀君不見黃河飛雲立如蓋一鷲乘之  
向并代

相逢行贈劉按察元瑞

一別六年不相見風塵欵覲劉郎面西關官亭車馬都

使君驄馬朱雀符有虔秉鉞映交衢把臂道故情鬱紆  
仰視高天白日徂憶昔同殿含香趨萬事反覆難具鋪  
秋風颭颭響枯樹蛟龍立鬪黃河怒舟子無憂旬浹阻  
大夫且試登高賦城南柳徑梁王苑廟門書院松林晚  
此時與子臨高臺邊侯綺席金尊開芒碭微雲氣出沒  
但見悲風萬里從東來寒空孤雁叫且哀鴛鴦鼓翅號  
其儕飛沙激霧相徘徊願寶與主酹酹歸不見昔時杜  
甫與高李三子者氣壓百代今塵埃盧玉巖曰此亦一  
往吟踴盡其豪興  
其實二賢光燄  
騰天塵埃不沒

結交行贈李沔陽

空同詩鈔卷八

十

古人結交如種稷今人當路栽荆棘世間萬事各有極  
人生何必相傾仄君不見李沔陽五馬昨朝天天水地  
裂衝寒烟三月不遇見天子歸途困頓心憂煎南行波  
濤值洶湧蛟龍失勢鼉鼉踊留滯聊棲梁孝臺醉歌真  
據侯羸塚却憶當年侯未鬚識者盡道驂騶駒落筆遽  
掩羽獵作挺身直上青雲衢百戰不侯李廣辱一麾出  
守延之吁峽霾光射下和玉月明淚逆鮫人珠李沔陽  
汝無學雲夢吞亦莫效江南哀六龍挽車日月輪萬里  
簸蕩風沙開棄君舟楫理銜轡有人物色騰驥材

意以行贈王氏



南征馬援還東都人言滿載皆明珠發封視之乃薏苡  
羣臣失色天子吁世情毀譽本好惡後生輕信迷真誤  
暗投固宜明月棄同居豈免娥眉妬自君夙夜歌在公  
尊中醴酒常不空德尊日見兒孫盛名成反致讒邪攻  
雖云喬樹多烈風曷有寸霧殘高空君不見周時吉甫  
稱大賢孔門弟子推顏淵掇蜂拾塵尙見惑豈我千得  
無一愆君堂有客俸有錢槐庭偃蹇花含烟胡不醅酌  
金壘前萬事置之休問天

調元日本激烈而轉和  
舒詩品人品並臻老成

徒步東行贈鮑

激

鮑生六月徒步東久曛赤日昏沙風旦行眼眩扶桑紅

空同詩鈔卷八

十一

足疲暮憩空桑中帽浥衣沾乾復濕必逢佳樹始一立  
道傍有驢無錢騎短詠微吟口翕戢杜甫遺詩人罕全  
鮑生記之將及千論工尙恨黃初淺泥古常卑大歷前  
豈知才大反爲崇臨岐獨下楊朱淚鹽車雖蒙苴萍辱  
長鳴未折風雲氣生今坎壈三十年同時細估豪熏天  
出門寶馬雙翩翩道逢鮑生不舉鞭生不見五殺大夫  
歌屢屢商歌飯牛聲夜悲賢達困窮何代無仰視萬里  
浮雲徂

夏日田居蘇生攜酒見過

疾風六月樹枝折火雲纍纍白絮裂城南老夫正高卧

荒郊欵段蘇生過塵埃滿面鬢髮亂手攜清壺來餉我  
季子才名三十年射楊百發百葉破逢時幸首南宮薦  
塌翮尙忍西山餓丈夫生世古難同蘇也巷西我巷東  
追尋不計襪襪熱淹留祇恨金尊空君不見昨朝雷雨  
今則風世事反覆誰豫通得時無誇好身手失意豈必  
皆愚蒙野池紛披蓮半紅黃鸝嚙語空林中勸子盡醉  
休匆匆人生幾何吾已翁

周西穆曰正爾豪宕著野池黃鸝二句舒其氣轉聲入破

擺闔有神

### 送人使安南

安南陪臣騎馳突歌吹春喧洱水窟蛟潭飛雨動霹靂

### 空同詩鈔卷八

十一

島城毒雲開日月黃門使者白澤袍南來氣與秋天高  
當今天子古聖人諭爾歲事勤包茅永令炎海無波濤

### 送王子歸鄆杜

賢兄已上蒼龍閣令弟猶甘飽藜藿膝下雖無一寸綬  
腰間常吼千金鏑騎驢狂走長安市酣歌擊缶白日落  
黃金不成徒自歎烏裘脫盡那堪著道逢石室舉鞭揖  
謂爾骨相殊不惡終南鄆杜豪俠窟從來意氣無京洛  
歸家早鑄雙玉龍提攜來獻明光宮

### 贈鄭生

狐裘騶馬誰家子往來馳驟塵沙起右撚羽箭左把弓

仰射忽墮雙飛鴻野寒日昏慘慘風下馬揖我立我東  
一箭直西貫楊樹抽身上馬入城去

石峰子歌

石峰子昔住石峰山茅堂巖壑豁衍間松孤桂叢白日  
靜坐玩碗礪聆潺湲石峰子驂鸞覲帝今幾秋狄猿哀  
嘯鴻鵠愁頭爲四岳振南州珠崖瓊海毒厲收丹穴有  
鳳鳴啾啾願子早致儀西周經過舊山莫淹留君不見  
舊山頭葛藟蔽翳寒泉流

寄寄庵子

寄庵子嘗曰人生寄爾然利孰與義安愆孰與美久臭  
孰與芳永庫部駱子以其言告李子李子曰卓哉張子  
持此於天下誘之能移撼之能動乎能招之來麾之去  
乎於乎張子者足以荷天下之重矣於是作寄寄庵子

詩

嚶其鳴矣彼何求天下願識韓荊州心傾義投神便往  
萬古不廢江河流張侯崛起西南裔覽輝振翻風雲際  
鈎陳蒼涼閭闔閉排闥直謁蓬萊帝牙冠峩峩不動紳  
挺身遂作蘭臺寶竊憤辛裾謂泚忍誓與朱檻爭嶙峋  
已看駮褭狹道路復訝鷗鷺卑風塵霜飛維揚海月苦  
陽行沮洳汾花春還朝袞衣換日月立仗正色措星辰

行步既工馬從瘦諫草每就雜將晨餘力猶馳翰墨圃  
先秦兩漢文心苦壯志真趨劍閣銘幽懷緬擬歸田賦  
拖珠響玉豈不足覩面徒餐竟何補及時願作朝陽鳳  
不然退與漁樵伍予也綸竿孟諸客心本無他衆莫白  
李白世人欲殺之蘇軾能詩遭貶斥雷劍雖埋光在天  
卞玉未剖終爲石垂老重逢四海清虛名幸免諸公擲  
思君欲追稽巨駕贈言輒踐回由迹有田負郭不餓死  
且自射獵芒碭澤

空同詩鈔卷八

古

空同詩鈔卷九

明北郡李夢陽撰

錢唐桑調元編

七言古

送李中丞赴鎮

黃雲橫天海氣惡前飛鶯鷓後叫鶴陰風夜撼盤無閭  
曉來雪片如花落中丞按轡東視師躬歷險隘揮熊貔  
已嚴號令偃鼓角更掃日月開旌旗椎牛李牧將士躍  
射虎李廣匈奴知屯田金城古不謬賣劍渤海今其時  
塞門蕭蕭風馬鳴長城雪殘春草生低飛鴻雁胡沙靜  
遠遁鯨鯢瀚海清不觀小范擒戎日誰信胸中十萬兵

空同詩鈔卷九

一

雨燕醉歌

迅雷擊城鴉欲翻黑雲壓天白晝昏展席斜對城南門  
長安大雨如傾盆我馬已惜錦障泥主人況具黃金尊  
睥睨將將下萬瀑龍蛇繡繡動高壁出門牛馬不復辨  
炎霧毒蒸靜如拭酒酣爲君如意舞夕雨轉急風轉怒  
祇恐谿壑受不得海倒江翻亦難測

結腸篇三首

李子曰結腸之事蓋予妻亡而有此異云奠妻以牲烹  
腸焉腸自毬結李子異焉曰胡爲烹胡爲結恍惚神怪  
孰主孰使厥理孰測怨邪德邪生有所難明死託以暴

衷邪嗚呼嗚呼作結腸篇焚妻柩前妻固識文大義或亦契其冥懷也

哀者且停聲弔者坐在堂聽我結腸篇曲短哀情長五月廿七吾妻亡厥明奠之羅酒漿其牲伊何積與羊痛哉金鸞結纓腸神靈恍惚心駭傷團團肉毬出中湯左迴右盤準流黃經緯纏糾文陰陽底形井字圈兩旁翼翼彷彿雙鳳凰有綬在下壘而長上有提襜五寸強汝乎無意豈爲此呼汝欲問魂茫茫十呼不應百轉咽腸乎腸乎爲疇結

結腸結腸忍更聞妾年十六初侍君父也早逝母獨存

空同詩鈔卷九

二

爲君子子今有孫昔走楚越邁燕秦萬里君寧恤婦人外好不補中苦辛中年得歸計永久命也百病攢妾身言乖意違時反唇妾匪無迕君多嗔中腸詰曲難爲辭生旣難明死詎知子結萬結爲君爾君不妾知腸在此

宗子相曰層層  
哀折深思痛人

結腸三闕聲更咽汝腸難解我腸結夙昔失意共奔走汝實千辛我踰跌宕歸家定今稍寧豈汝沈縣遽離絕魂乎魂乎游何方兒號女啼週汝旁劇心飲泣看彼蒼愚者何壽慧何亡佇立逶迤若有望迫而卽之獨空牀梁間一燕哺子急觸落青蟲汚我裳錦衾塵埃委鴛鴦

總帷中夜風琅瑰魂驚夢搖中慘傷陰雨啾唧燈無光  
嗚呼此曲不可竟爲君賡歌妾薄命

### 哀才公

正德己巳年作此公嘗薦余故有國士之感

仲冬東南天鼓鳴我軍滅胡功可成道之將行歲在己  
星落轅門悲孔明尙書頭顱血洗箭馬革纏屍亦堪羨  
夷門野夫國士流痛哭天遙夜雷電

是月雷電屢作

### 哭新縣

是時新設萬年縣新民反覆殺副使李情靈寶人也

苦死可憐靈寶子有官十數同時死四路蕭蕭人斷行

### 空同詩鈔卷九

三

一軍盡驚牀夜徙新民反覆誰不知性實虎豹伴螻蟻  
白金綵段縱寬汝朝廷有問將何以

### 觀燈行

詳見夢華錄

宋家累葉全盛帝寬大實皆稱令主百姓牛馬徧阡陌  
太倉米粟憂紅腐宣和以來遂多事嗚呼爛費如沙土  
海石江花湧國門離宮別殿誰能數羣臣諛佞祇自計  
天下騷然始怨苦正月十四十五間有勅大駕觀鰲山  
萬金爲一燈萬燈爲一山用盡工匠力不破君王顏此  
時上御宣德門樂動簾開見至尊奔星忽經於御榻明  
月初上堆金盆傾城呼噪聲動地可憐今夜鰲山戲窈

真幻巧百怪聚金蛾翠管堪垂淚借問幸臣誰云是李  
師師外有蔡京與蔡攸夾樓錦幄羅公侯丞相之幄當  
前頭奚兒腰帶控紫騮如花少女擎綵毬但聞樓上喚  
樓下黃帕籠盤賜玉羞月高鳴鞭至尊起幄中環珮如  
流水爭道齊驅輦路窄寺橋窈窕塵埃白火樹龍燈又  
一時千光萬焰天爲赤常言宴安成禍基從來樂極還  
生悲君看二帝蒙塵日數月東京荒蕪藜  
景亭北曰東  
京驕奢踵天  
寶覆轍釀成靖康之禍  
此詩亦千秋金鑑也

### 石將軍戰場歌

清風店南逢父老告我已巳年間事店北猶存古戰場

### 空同詩鈔卷九

四

遺鏃尙帶勤王字憶昔蒙塵實慘怛反復勢如風雨至  
紫荆關頭晝吹角殺氣軍聲滿幽朔胡兒飲馬彰義門  
烽火夜照燕山雲內有子尙書外有石將軍石家官軍  
若雷電天清野曠來酣戰朝廷旣失紫荆關吾民豈保  
清風店牽爺負子無處逃哭聲震天風怒號兒女牀頭  
伏鼓角野人屋上看旌旄將軍此時挺戈出殺胡不異  
草與蒿追北歸來血洗刀白日不動蒼天高萬里烟塵  
一劍掃父子英雄古來少天生李晟爲社稷周之方叔  
今元老單于痛哭倒馬關羯奴半死飛狐道處處懽聲  
噪鼓旗家家牛酒犒王師休誇漢室嫖姚將豈說唐朝



郭子儀沈吟此事六十春此地經過淚滿巾黃雲落日  
古骨白沙礫慘淡愁行人行人來折戰場柳下馬坐望  
居庸口却憶千官迎駕初千乘萬騎下皇都乾坤得見  
中興主日月重開再造圖梟雄不數雲臺士楊石齊名  
天下無嗚呼楊石今已無安得再生此輩西備胡

京明宮行

今冬有人自京至向我道說京明宮土木侈麗誰辦此  
乃今遺臭京城東割奪面勢創巖業出入日月開帡幪  
矯托敢與天子競立觀忍將雙闕同前斫石柱雙蟠龍  
飛梁透迤三彩虹寶構合沓殿其後儼如山嶽翔天中

空同詩鈔卷九

五

金銀爲堂玉布地千門萬戶森相通光景閃爍倏忽異  
雲烟鬼怪芘杳濛以東金榜祠更侈樹之松檟雙梧桐  
溟池島嶼鯉躍孔雀翡翠兼羆熊那知勢極有消歇  
前日虎豹今沙蟲牕扉自開衛不守人時遊玩搖玲瓏  
陞隅龍獸折其角近有盜換香鑪銅青苔生泥鏡面鎖  
野鴿哺子雕花櫳憶昔此闈握乾柄帝推赤心闈罔忠  
威刑霹靂縉紳毒自尊奴僕侯與公變更累朝意叵測  
培克四海真困窮長安奪第塞巷陌心復豔此闈何蒙  
構結擬絕天下巧搜剔遂盡輸倖工神厥擇木內苑竭  
官阮選石西山空夷墳伐屋白日黑揮汗如雨斤成風

轉身唾罵闢得知退朝督勞何匆匆人心嗟怨入骨髓  
鬼也孰復安高崇峩碑照耀頌何事或有送男充道童  
聞言愴惻黯無答私痛聖祖開疆功渠干威福開者誰  
法典雖嚴柰怙終錦衣玉食已叨竊琳宮寶宇將安雄  
何宮不鑄護勅碑來者但看玄明宮宗子相曰一宮便  
知逆理情狀當時  
土木如此踵其事者肖像尸祝更出玄明之外  
世變可嘆又曰破敗處要說得如此盡情方佳

### 康郎山歌

君不見康郎山屹立東湖中波濤撼蝕山脚塌破廟枯  
木常烈風芒揚草昧赤帝出揮劍遂使凡蛇空卧榻之  
外事亦小萬方有罪惟朕躬美姬寶玉歸御幄浮屍蔽

### 空同詩鈔卷九

六

江江水紅發踪劉陶固其力死戰難言非數公秦人枉  
哭嶠函瘞漢祖輕酬垓下功至今有廟北山側天陰雨  
濕時見朱旗白馬光如虹宗子相曰纏綿靈幻餘  
音帶出悲思聽諸紙上

### 乾陵歌

武后陵黃巢伐之  
事具雪航膚見

九重之城雙闕峙前有無字碑突兀雲霄裏相傳翁仲  
化作精黃昏下山人不行蹂人田禾食牛豕强弩射之  
妖亦死至今剝落臨道傍大者虎馬小者羊問此誰者  
陵石立山崔嵬銅鐵錮重泉銀海中縈迴巢也信力何  
由開君不見金棺玉匣出人世薈薇冷面飛塵埃百年  
枯骨且不保婦人立身何草草

劉子有金陵之差遂便觀省

使君昔居紫荆關日登燕嶠望吳山逢人顏色鬱黯黯  
對酒涕泗交潺湲使君南向金陵去孤帆夜拂春天樹  
旅枕常欹月落時夢魂先到雲飛處揚子江頭青草斜  
大孤山前開杏花行人三月重回首游子一年初到家  
出門烟草滿芳甸鳳凰臺接麒麟殿遊陌聯翩追宿娛  
墨場婉變羅賓讌人生意氣無南北白馬青袍動江色  
卽看艤舸石頭城還聞稅鞅鍾山側鍾山翠嶺壓秦淮  
燕趙風雲入望來芙蓉秋雁多愁思問君何日錦帆迴

馬默臨曰玉簫金  
管亮發情韻俱和

空同詩鈔卷九

七

送仲副使赴陝西

驄馬白玉鞍長鳴下雲端今朝發汴水何日到長安  
孝王臺前雪如山垂楊掃地春風還使君不帶水霜色却  
帶春風入漢關相思明月樓西望古秦州河南咫尺不  
可見何況千山萬水頭西望秦州是我鄉隴樹春雲空  
斷腸褰帷仗鉞經行地欲寄雙魚到慶陽

徐子將適湖湘余實戀難別走筆長句述一代  
文人之盛兼寓祝望焉耳

崢嶸百年會浩蕩觀人文建安與黃初叱咤皆風雲大  
歷熙寧各有人憂金鼓玉何續紛高皇揮戈造日月草

昧之際崇儒紳英雄仗策集軍門金華數子真絕倫宣  
德文體多渾淪偉哉東里廊廟珍我師崛起楊與李力  
挽一髮回千鈞天球銀甕世希絕鼇掣鯨翻難具陳洪  
川無梁不可越日暮悵望勞余神徐郎生長蘇臺陰二  
十作賦雄海濱竭來抱玉叩閭闔長安繡陌行麒麟是  
時少年誰最文太常邊丞何舍人舍人飄飄使南極直  
窮金馬探瀘津爾雖不卽見顏色夢中彷彿形貌真余  
也潦倒簿書客諸公磊落清妙身大賢衣鉢豈虛擲應  
須爾輩揚其塵休令黼黻怨岑寂要與琬琰增嶙峋海  
陵先生雅愛士晚得徐郎道氣伸喬王欵接雖不數邇

空同詩鈔卷九

八

聞亦欲求卜鄰驂騑造父兩相值一瞬萬里誰能馴都  
門二月芳草發御溝楊柳垂條新徐郎綰牒將遠適使  
我旦夕生悲辛爲君沽酒上高樓月前醉舞梨花春天  
明挂帆向何處鴻雁哀鳴求故羣南登會稽探禹穴西  
浮湘水弔靈均洞庭波寒木葉下峽口風急猿嘯聞司  
馬太史有遺躅歸來著書追獲麟

朱予齋曰風騷氣韻  
推激昂藏想見壇坫

雲龍  
之會

龍州歌送沈編修使安南

龍舟南接六那溪白鷗黑猿相間啼烏蠻灘頭苦竹密  
伏波廟前春日西揚旌走馬迎天仗擁節封王壯漢儀

試向殊邦觀禮樂交南元是舊邊陲

漢江歌送范子之桂陽

漢江江上鷓鴣鳴漢江游客無限情青山落日下帆影  
芳草月明聞櫂聲黃鶴磯頭暮雲盡鸚鵡洲邊春水生  
莫倚仲宣能作賦洞庭南接桂陽城

楊用修曰亦古亦律調元日以之作

拗體律覺意味深長

聊城歌送顧明府

聊城纍纍枕桑野使君懷古聊城下龍蛇慘淡七雄鬪  
當時誰是排紛者海東隱淪難見面平原不見安平見  
已聞笑却邯鄲軍還遣書飛燕將箭平生急難輕列侯

空同詩鈔卷九

九

功成豈必千金酬只今往迹浮雲盡遙矚滄溟日暮流  
畫魚歌

呂公手持畫魚障清晨掛我北堂上島嶼晴開雲蕩蕩  
衆魚出沒隨風浪四壁蕭蕭起寒漲嗟此數尺障天機  
妙入神信手掃絹素慘淡開金鱗濠梁斷裂東津遠任  
公掣釣滄溟晚此時天黑衆魚出鼉鼉徒穴蛇龍返或  
言乘潮萬魚集細小亦趁雲雷入咫尺波濤有得失屈  
強泥沙恐難立細觀又似洪河風崑崙旣道龍門通霹  
靂殷殷行地中鯉眼下射盤渦紅非獨一身生羽翼亦  
有數子隨飛龍山根小魚更無數鱸鮪昂藏噴烟霧美

人修竿淇水濶漁子孤舟洞庭暮我生好奇古覽畫心  
不動呂公此障誰爲之令我一見神色竦想當經營始  
筆端萬鈞力五湖齊傾四海立空牕滾滾跋浪急陽侯  
逆走天吳泣不然千魚萬魚何由集我聞神怪物變化  
不可料點睛破垣古有兆卽恐風雷就壁起饗人揮刀  
莫相笑

林良畫兩角鷹歌

百餘年來畫禽鳥後有呂紀前邊昭二子工似不工意  
吮筆決背分毫毛林良寫鳥祇用墨開縑半掃風雲黑  
水禽陸禽各臻妙掛出滿堂皆動色空山古林江怒濤

空同詩鈔卷九

十一

兩鷹突出霜崖高整骨刷羽意勢動四壁六月生秋颺  
一鷹下視睛不轉已知兩眼無秋毫一鷹掉頸復欲下  
漸覺颺颺開風毛匹絹雖慘淡殺氣不可滅戴角森森  
爪拳鐵迴如愁胡背欲裂朔雲吹沙秋草黃安得臂爾  
騎駟鐵草間妖鳥盡擊死萬里晴空灑毛血我聞宋徽  
宗亦善貌此鷹後來失天子餓死五國城乃知圖寫小  
人藝工意工似皆虛名校獵馳騁亦末事外作禽荒古  
有經今皇恭默罷游燕講經日御文華殿南海西湖馳  
道荒獵師虞長俱貧賤呂紀白首金爐邊日暮還家無  
酒錢從來上智不貴物淫巧豈敢陳王前良乎良乎寧

使爾畫不直錢無令後世好畫兼好畋

宗子相曰氣放而意密局寬而

義謹篇長而筆不冗畋歌行若此無餘憾矣王覺斯曰意好

### 吳偉松牕讀易圖歌

仄巖泉流石無數素壁濛濛起烟霧君家屋宇在城市  
何以堂上生松樹側聞江夏生氣酣掃毫素絕筆風雷  
拔地起意匠鑿天天爲怒泰山古根生眼前俄頃縮出  
徂徠山懸藤掛薜裊裊黑復有草舍松之間牕間老人  
鬢髮秃手翻一編周易讀空山瑟瑟翠濤激長干冥冥  
暮花撲遠知既已死希夷不復作青邱石室杳何許恍  
然置我此溪壑翻愁一夕雷電入六丁追書上寥廓又

### 空同詩鈔卷九

十一

畫石下根屈曲如老龍胡奴瞑踏孤巖松蓬頭赤脚露  
兩肘月明汲泉山礪中却憶前年召畫師江夏吳生亦  
與之裋褐垢臉見天子禮貌雖村骨格奇帝令待詔仁  
智殿有時半酣被召見跪蹴墨汁信手塗白日慘澹風  
雲變至尊含笑中官羨五侯七貴爭看面請觀此幅松  
舍圖黃金失價連城賤吳生吳生太氣岸一言不合輒

投視

揚用修曰如此結方合作

### 鍾欽禮山水障子歌

鍾生始學戴文進後來頗自出機軸山林槎枒波漫靡  
骨格雖傳氣不足此幅樹石差可意綴得茅堂傍江麓

連山遠勢亦可取轉折頗似瀟湘曲竹嶼陂陀九疑隔  
蒼梧洞庭濕雲白黃陵美人把瑤草天寒日暮行空澤  
鷓鴣雙飛鴻雁宿榭樹颭颭江水碧細看谷口花又疑  
武陵源孤舟欲往不可得對此彷彿聞清猿亭間更著  
四老翁衣冠各異鬚眉同紫芝山深石漠漠悵望萬里  
來悲風人生有形貴自適我今胡爲塵埃中觀畫感事  
面顏紅有畫如此何必工歌徹目送滄洲鴻

觀序上人所藏陶成畫菊石歌

陶生畫菊石老草有筆力此石與此菊今爲序公得兩  
株徙倚石根前古石苔蘚屈連錢復有餘株散在地平

空同詩鈔卷九

十一

坡雜草青烟繇回株點綴花翩翩含姿弄態不一足背  
向纖穠皆可目突如大家貴介女珠翠雖搖氣莊肅近  
時名手計汝和此生筆力方之過江東徐霖學畫石效  
顰差勝王與何亦知神品多冥契下筆巉巖拓高勢石  
磊磊兮菊漫漫清霜古路花斑斑遠意頗類東林山東  
林昔築蓮花臺彭澤攢眉不肯來歸家對菊獨銜杯序  
公叢林號白足不重蓮花翻重菊終然畫餅不充腹何  
如種向西山麓秋林寒芳采服食煮石鍊藥亦爲得愛  
鷹愛馬古有之不獨序公何太息

題畫一首



雪城陰陰氣蕭瑟鄭生提畫來相訪面顏戚促意不樂  
告我欲買南行舫覽畫指點色惆悵雨倒江翻拔層浪  
君不見江上簾笠翁歸遲水逆憂天風

江寒雨急莽無路漁人撒網乘烟霧魚蝦瑣細不直錢  
汝休輕觸蛟龍怒展畫見此心中悲犯噉覓利占所卑

只今風浪無晨暮爲問安流歸者誰

注津夫曰關心  
冷語涌注毫尖

題京口人山水圖

青山逶迤如北固山下彷彿京口樹茅堂花蹊三月暮  
萋萋舊草春遊路一從畫師掃烟墨客堂日夜流江色  
江色依微帶甕城遊子歸魂逗南北

空同詩鈔卷九

三

題畫搖筆成詩

去年得歸離江州七日遂登黃鶴樓南風捲江浩呼洶  
厖轟欲翻鸚鵡洲七澤莽昧不入眼孤舟屈曲襄河轉  
數月已擲檀家湖夢飛每到羊公峴脚山南東道樓  
秦川公子醉悲秋檻邊斑竹古猶活雲石寂寞蒼梧愁  
重華馭遙不可叫白沙黑猿疎樹幽看圖彷彿曾遊處

素壁青天漢水流

楊用修曰  
近似太白

錢選畫張果圖歌

張果者中條山人也武后聞其有道術召之果遽死後  
復出往來汾晉間元宗使李嶠齋醮書造請焉果至舍

集賢院詔肩輿入禁中問治理神仙之事帝悅焉欲以  
玉真公主妻果果不從辭還山果蓋剪紙驢乘之不則  
折收巾笥中而錢圖故落於俗家今爲沔守李得矣

張翁紙驢真有無錢也何意傳其圖印記雖明幅斷裂  
李侯完之亦奇絕所恨圖尾錢有詩就蛇添足將無癡  
憶昔翁來集賢院入宮詔許肩輿便一日聲名人主動  
千年面目吾今見帝毅深沈玉榻雄侍人一異三人同  
漢皇信有瑤池降秦始枉慕蓬萊通元言未竟鈴殿風  
寸驢躍出青箱空有童追捉雙眼紅此驢蹶躓盤當中  
李侯一看一絕倒每稱獨苦嗟良工細觀張翁骨格古

空同詩鈔卷九

十四

徐福五利寧其伍曰嬪真令天下疑過歸轉覺皇心蠱  
長生殿前牛女辰廣寒仙桂舞鸞身世間但識申師巧  
誰解中條放浪人

汪津夫曰徐福五利難伍自然神明不俗用意峻拔

周文靜畫雪山圖歌

周生雪山世稀見遠水近水一疋練玉崖嶽崑插湖脚  
粉筆徐移掃高閣瓊枝鐵柯兩迴亞龍鱗犀甲歛參錯  
林風颭颭急霰起白日冰花逐毫落天愁地慘意各出  
霧合飈回勢逾惡人言四時冬最難周生善雪仍善山  
虛堂突立萬仞壁尺素乍轉千里灣彷彿寒封洛陽道  
得無白擁藍田關袁安甘卧幾時起退之遭竄終召還

倚山亭亭一孤松側崖峭壑盤其中分毛聳榦一何傑  
畫者有意排嚴風君不見古來梁棟必此物願君愛之  
頻拭拂

張浦山曰畫思締撰與詩文結  
體同一淵深此足入繪事評林

題畫山水送人還歙

黃山沙溪杳何許圖之山水無乃是軒轅宮宰相里山  
人一出彌荆杞石林漠漠蹊徑苔霜鶴夜悲猿嘯哀紅  
顏踪跡半湖海白頭覽畫思歸來溪頭繫一舩畫師本  
無意宛如倦游者無復舟航事水雲迤邐山雲高靜定  
方知動者勞回思少日懽娛地至今夢寐猶波濤

空同詩鈔卷九

五

10506

